

Protoparentum creatio et peccatum.

Léctio libri Génesis

2, 7-9; 3, 1-7

- ⁷ **F**ormávit Dóminus Deus hómínem púlverem de humo et inspirávit in nares eius spiráculum vitæ, et factus est homo in ánimam vivéntem.
- ⁸ Et plantávit Dóminus Deus paradísium in Eden ad oriéntem, in quo pósuit hómínem, quem formáverat.
- ⁹ Produxítque Dóminus Deus de humo omne lignum pulchrum visu et ad vescéndum suáve, lignum étiam vitæ in médio paradísi lignúmque sciéntiæ boni et mali.

[10-25]

- ^{3,1} Et serpens erat callídior cunctis animántibus agri, quæ fécerat Dóminus Deus.
Qui dixit ad mulíerem:
«Vérene præcépít vobis Deus, ut non comederétis de omni ligno paradísi?».
- ² Cui respóndit múlier:
«De fructu lignórum, quæ sunt in paradíso, véscimur;
³ de fructu vero ligni, quod est in médio paradísi, præcépít nobis Deus, ne comederémus et ne tangerémus illud, ne moriámur».
- ⁴ Dixit autem serpens ad mulíerem:
«Nequáquam morte moriémíni!
⁵ Scit enim Deus quod in quocúmque die comedéritis ex eo, aperiéntur óculi vestri, et éritis sicut Deus sciéntes bonum et malum».
- ⁶ Vidit ígitur múlier quod bonum esset lignum ad vescéndum et pulchrum óculis

et desiderabile esset lignum ad intellegendum;
et tulit de fructu illius et comedit
deditque etiam viro suo secum, qui comedit.

⁷ Et aperti sunt oculi amborum.

Cumque cognovissent esse se nudos,
consuerunt folia ficus
et fecerunt sibi perizomata.

Verbum Domini.